





24.

22

DISSERTATIO  
HISTORICO-ETHICA  
DE  
ÆMULATIONE  
*Quam*  
IN ILLUSTRIS ACADEMIA  
LIPSIENSI  
Indultu Amplissimæ Facultatis Philosophicæ  
SUB PRÆSIDIO  
VIRI  
CLARISSIMI AC PRÆSTANTISSIMI  
DN. M. CHRISTOPHORI KRAHE  
LIPSIENSIS  
S. S. Theologiæ Candidati  
Fautoris ac Præceptoris sui  
*Publicè defendet*  
JOHANNES JUNGIIUS  
Uratislaviensis Silesius  
*Ad diem XXVI. Novembris*  
Anno M. DC. LXIV.

---

L I P S I Æ,  
LITERIS CHRISTIANI MICHAELIS.

*Ge. Lic. Stutern*



DISPUTATIO  
HISTORICO-PHILICA

# EMILLIATIONE

IN ILLUSTRI ACADÉMIA

De Emulsiis et Nativis

Ab Ambrasio Faculo Philosopho

1711

STONKRIEHE

EMILLIATIONE

in hac Academia  
habita et legitur  
et approbatur  
die 17. Junii 1711.







## PRÆFATIO.

**D**E *ÆMULATIONE* acturi certos nobis definiemus limites, intra quos tota nostra decurret emulatio. Tria verò summa erunt capita. Quorum primum *Æmulationis naturam*. Alterum *Leges*, ad quas genuina emulandi ratio componenda. Tertium verò *Æmulationis Fructus*, quos tùm ubi vis tùm præcipuè in Republicâ profert insignes, sistet. *DEUS adsit!*

### CAPUT PRIMUM

#### De *Æmulationis* Naturâ.

##### §. I.

**Æ**Mulationis vocabulum variè apud Autores accipi, à Philologis hinc inde annotatum. Non examinabimus omnes. Ad institutum nostrum sufficit, plerosq; nos in eo habere duces, *Æmulationem* propriissimè *Imitationem* quãdam esse, eamq; seriam, & voluntatem efficacem imitandi præsupponentem.

§. 2. Ubi tamen notes ingens inter *Imitationem* & *Æmulationem* esse discrimen, quod *Cl. Buchneri* Præceptoris nostri desideratissimi potius verbis quàm nostris exponemus. Ita verò ille in *Thesauro Fabri* recensito & emendato: *Æmulatio plus est quam Imitatio. Qui imitatur, sequitur exemplum alterius, satis habens, si aliqvã similis saltẽ ei, quem imitatur, esse possit. Qui emulatur, ita sequitur & imitatur alterius rem, ut æquare vel superare etiam studeat, majoremq; adeo, si possit, ex eâ gloriam ac laudem sibi conficiat.*

§. 3. Cæterùm cum *Æmulatio* ratione objecti, modi & adjuncti variet, duæ ejus exurgunt species, quarum utraq; quãquam idẽ habet generale *emulationis* nomen, una tamen in laude, altera in vituperio ponitur. Elegans est in hanc rem *Ciceronis* locus lib. 4. *Tuscul. questio. Æmulatio dupliciter accipitur, ut & in laude & in vitio nomen hoc sit; nam & imitatio virtutis æmulatio dicitur; Et*



*est æmulatio ægritudo, feco, quod quis concupierit, alius potatur, ipse careat.*

§. 4. Nos in præfenti de solâ Æmulatione laudabili & virtuosâ agemus. In cuius quidem delineatione sic versabimur, ut nec anxie de aliorum, qui idem argumenti genus tractandum susceperunt, mente inquirendâ sententiâq; discutiendâ simus solliciti, nec præcipitanter aliquid & præter necessitatem mutemus.

§. 5. Eten, ut cardinem rei aggrediamur, talem Æmulationis damus definitionem. ÆMULATIO est virtus modestiæ & magnanimitati pro diversâ ratione affinis, quâ aliorum virtutes sive intellectuales sive morales, virtutumq; præmia imitando æquare aut etiam superare contendimus.

§. 5. Hæc ut plenius à quovis intelligantur, convenienti methodo in Æmulationis genus, subiectum, objectum, causam efficientem & finem inquiremus, singula Philosophorum & Historicorum fœculis exornaturi.

§. 7. De GENERE Æmulationis tres sunt Autorum sententiæ. Plurimi Æmulationem pro affectu habent ad appetitum concupiscibilem pertinente. *Keckermannus in System. Ethic. lib. 3. cap. 3.* pro semivirtute seu virtute imperfectâ agnoscit. Alii, inter quos jure *Senecam lib. 3. de Beneficiis cap. 36.* numeres, Virtutis titulo dignatur.

§. 8. Omnium fortè mens, si commodè explicaretur nec exclusivè intelligeretur, tolerare posset: quoniam tamen explicatio, quam nos intendimus, illorum placito & hypothesebus vix congruit, hinc in præfenti controversiâ, salvo aliorum iudicio, ita Philosophamur. Sit itaq;

§. 9. *Conclusio Ima.* Æmulatio quatenus indifferentè spectatur pro solo studio imitandi, non attendendo an illud moraliter bonum vel malum sit, est affectus ad appetitum concupiscibilem spectans. Ante conclusiones hujus probationem præsupponimus tanquam concessa & alibi confirmata I. Æmulationem indifferentè & in generali abstractione præcisiva (ut Philosophi loquuntur) ab Autoribus accipi aut saltem accipi posse. II. Affectum esse æquum appetitus ex cognitione boni vel mali ortum. III. Appetitum concupiscibilem, secus ac *Scholastici* communiter & *Piccolomineus* volunt



lunt, esse enim qui prosequitur bonum. His ita prenotatis, thesini nostram probamus. Illud est affectus ad appetitum concupiscibilem spectans, quod est actus appetitus bonum cognitum prosequens. Emulatio indifferenter spectata est actus appetitus bonum cognitum prosequens. E. Res est clara, nec habebimus forte hic adversarium. Nam quod alii, nominatim *Cl. Job. Conrad Dürvius in Instit. Ethic. part. 3. sect. 1. cap. 6.* Emulationem ad appetitum irascibilem referunt, in eò nobis non contradicunt, cum alio sensu emulationem accipiant quam nos, pro mala scilicet & vitiosa quæ invidiam & tristitiam conjunctam habet.

§. 10. *Conclusio IIa.* Emulatio quatenus nondum perfecta, sed pro rudimento & dispositione emulationis in suo genere omnimodè perfectæ accipitur, est Semivirtus. Thesin hanc antequam stabiliamus, monemus nos in doctrinâ de Semivirtutibus *Excell. Thomasi Præceptoris nostri & Fautoris Honoratissimi* vestigia legere, & tot ponere Semivirtutes quot virtutes. Ita verò conclusionem probamus. Quicquid est rudimentum & dispositio ad virtutem perfectam illud est Semivirtus. Emulatio quatenus nondum perfecta, est rudimentum & dispositio ad emulationem perfectam. E.

§. 11. *Conclusio IIIa.* Emulatio quatenus accipitur pro emulatione plenè perfectâ, est Virtus. Probatur. Illud est Virtus quod est habitus electivus cum rectâ ratione congruens & in mediocritate versans. Atquæ Emulatio perfecta est habitus electivus cum rectâ ratione congruens & in mediocritate versans. E. Major est definitio virtutis. Minor patet; nam emulatio plene perfecta est habitus electivus, quoniam ab appetitu rationali proficitur & cetera observat quæ electionis propria: 2. Cum rectâ ratione congruit, est quippe laudabilis & circumstantias morales observat; 3. In mediocritate tam effectivè quam subjectivè versatur, potestque hic tum in defectu tum excessu peccari.

§. 12. Sed quæres hinc I. Cur Emulationem per solam Virtutem definiamus, quæ tamen simul concedamus eam & affectum & Semivirtutem esse? Resp. distinctè; 1. Non definimus emulationem per affectum ideo, quoniam solliciti sumus de genere ejus proximo, quæ non est affectus sed Virtus. 2. Non definimus per



Semivirtutem ideo, quoniam hic non consideramus rudimenta & dispositionem æmulationis, sed æmulationem quoad esse suum debitum perfectam.

§. 13. *Quæres II.* An AEmulatio sit Virtus aliqua nova ab undecim illis virtutibus, quæ communiter tantum defenduntur, distincta, an verò ad aliquam ex illis pertineat? Resp. Quamquam multi dubitent, num undecarius ille virtutum numerus vulgò receptus adæqvatus & sufficiens sit, solidisq; nitatur rationibus; maluimus tamen nos supra th. 5. æmulationem pro diversâ ratione ad modestiam & magnanimitatem referre: Ad modestiam quidem quatenus æmulatio in illis est, qui suarum sibi virium conscii nec in imis hæere, nec ad summa tendere, sed in medio consistere student: Ad magnanimitatem verò, quatenus spectatur in iis qui heroico quasi spiritu afflati non nisi ad summa & perfectissima aspirant.

§. 14. Dices; Modestia & magnanimitas versantur saltem circa honores; illa quidem circa parvos, hæc circa magnos. E. AEmulatio non spectat ad modestiam & magnanimitatem. Consequentia probatur, quia æmulatio versatur non circa solos honores, sed etiam circa virtutes. Ad hoc dubium variè respondere possumus. I. dubium adhuc est, an modestia & magnanimitas satis commode ad solos honores referantur? certè nullã videmus solidam rationem cur non ad virtutes quoq; extendendæ sint. II. Posito sententiam communem de modestia & magnanimitate veram esse, remanet tamen hoc æmulationem quoad certum punctum, nempe quatenus circa honores versatur, ad modestiam & magnanimitatem revocari debere. III. Nos non rigorosè identitatem sed saltem affinitatem urgemus, prout expressè supra th. 5. diximus.

§. 15. Hæc paulò liberius voluimus de AEmulationis genere proponere, nullo tamen novandi pruritu, sed solius informationis, quam etiam ab eruditis modeste petimus, gratiã.

§. 16. Pergimus ad AEmulationis subjectum, quod doctrinæ causã in Generale & Speciale dispescere possumus.

§. 17. Generale Homines sunt; etsi enim fortè umbram quandam æmulationis in brutis deprehendamus, lubet tamen hic proprietati vocabuli insistere, & æmulationem quatenus in solis hominibus contemplari.

§. 18. Specia-



§. 18. Speciale pro varietate hominum varium est. Nos ad quatuor classes (nolumus enim nimis longi esse, nec ad minutissima quavis descendere) revocamus.

§. 19. I. occurrunt Juvenes, in quibus animi impetus, vincendi cupiditas, ardor mentis ad gloriam. Significant hi ut plurimum in primâ statim ætate tanquam in herbis quæsit virtutis maturitas & quantæ industriæ fruges sint futuræ. Vide Ciceronem in *Omr: pro M. Cælio*.

§. 20. Sifit sese hic in exemplum Thucydides, qui cum adolescens Herodotum Historiam suam Olympiæ prælegentem audisset, adeo æmulatione ieffebuit, ut lacrymas continere non posset, teste *Suida in Thucyd.*

§. 21. Non absimilis huic Alexander Magnus, cui cum Juveni Patrem Philippum urbes subjugasse aut de hostibus victoriam reportasse, nuntiatum esset, indoluit, nihil reliquum futurum ratus sibi suisque dum adolevisent. *Plutarchus & ex eò Freinsheimius in Supplemento Curtii lib. 1. cap. 2.*

§. 22. Horum certè vestigiis omnes ingenuæ mentis juvenes, ii præcipuè qui literis consecrati, insistere debent: Vix enim ibi verus literarum amor, ubi omnis exulat æmulatio. Quod vel elegans Ebræorum dictum docere potest: **מִן רְחוּם וְלֹא קִשְׁרַ עִמּוּהוּ** קנאה לאו רחמנותו רחמנותו כיון דקני קשיר עמוהו קנאה לאו רחמנותו רחמנותו Qvi amat (scientiam aliquam) & non laborat æmulatione, ejus amor non est verus amor: Cum verò æmulatione ducitur, tum est verus amor. *Extat in eximio atq; egregie opere libro Dsohar. fol. 130. col. 1. 2.*

§. 23. Et talem volebar discipulum *Quintilianus lib. 1. Institut. Orator. cap. 3.* Mihi ille detur puer, quem laus exciter, quem gloria juvet, qui victus fleat. Hic erit alendus ambitu, hunc mordebit objurgatio, hunc honor excitabit, in hoc desidiâ nunquam verebor.

§. 24. Juvenes II. ut ætate ita ordine sequuntur Viri. Qvi quem admodum majori præditi sunt judicio, ita magis ad virtutes, quas in aliis intuentur, egregias, enituntur, & in æmulando cautius procedunt. Sic Marcellus æmulus erat studiorum ac laborum Ciceronis, ut ipse *Cicero Omr: pro Marcello* fatetur. Pisandrus virtutum Age-  
silæ



flai emulatoꝛ erat, contendebatq; ne à rebus gestis ejus & gloria splendore decederet. *Vide Justinum lib. 6. cap. 3.*

§. 25. Sed nec ill. ab Æmulatione excludenda sunt Famina, cum tam vetera quam nostra tempora prolixum nobis illustrium faminarum exhibeant catalogum, quæ tum fortitudine & doctrinâ tum aliis virtutibus viros vel æquare vel superare contenderunt. Nec hic sexus sed animus attendendus.

§. 26. Ex veteri seculo prodeant Amazones, quas fortia facta, insignes triumpho, egregium, quod in Asia tenuerunt Imperium posteritati commendarunt. *Vide Svetonium in Julio Cesare cap. 27.*

§. 27. Nec nostrum seculum exemplorum sterile est. Cum superioribus annis Breda ab Hispano obsessâ esset, Aertsenii urbani prætoris & tribuni uxor, ut frequenti tormentorum ac mortariorum impetu & strepitu consternatos Civium animos confirmaret; sæpè cum maximè sæviret globorum tempestas, curru vecta urbis mœnia perustravit, & erectum supra sexum suum animum professâ, audaciam ostendit esse pro muro. *Vide Jacobum Zevectorium in observat. Politicis ad Svetonii Julium Casarem cap. 22.*

§. 28. In re literaria excelluerunt ex vetustioribus Sappho carminibus incluta, de quâ *Gymnidus Dialog. 9.* Eudoxia Theodosii Imperatoris Conjux, de quâ *Paulus Diacon. lib. 14. Histor.* ex recentioribus Olympia Fulvia Morata. de quâ *Tbuanus lib. 16. Hist.* Anna Maria Schurmannia Ultrajectensium nobilis puella, utraq; scriptis editis celebris: & sexcentæ alia.

§. 29. Depiq; IV. Æmulatio quoq; sæpè inter integras nationes & Civitates est. Sic olim Alba ut Romæ parens ita Romæ æmula erat, restante *Floro lib. 1. rer. Roman. cap. 3.* Carthago eandem Romam æmulabatur, ut iterum *Florus lib. 2. cap. 15.* consignavit.

§. 30. Et quamvis fortè quis exempla mox adducta de æmulatione potius vitiosa quam laudabili interpretari mallet, hoc tamen nobis ultrò dabit, ex parte illam æmulationem laudem meruisse & ad virtutem proximè accessisse; aut si nimis rigidus esse velit, hoc ad minimum relinquet, exemplis hæc ostendi, ut inter integras urbes & nationes æmulationis vitium esse potuit, sic etiam æmulandi vitium ibi sedem posse figere.

§. 31. De Subjecto Æmulationis diximus satis, ordo nunc tangit Objectum, quod vel Primarium vel Secundarium.

§. 32. Pri-



§. 32. Primarium sunt virtutes, eaq; tum intellectuales tum morales, quarum appetitus ut naturaliter homini infitus, ita per æmulationem magis magisq; augetur; spoliaretq; se homo summo suo Bono, nisi virtutes aliorum in exemplum traheret.

§. 33. Secundarium sunt virtutum proemia, honor, gloria, animus sibi bene conscius &c. quæ omnia uti virtuti connexa, ita simul cum eâ homines in sui amorem & desiderium rapiunt. Imò hæc si decissent, mortales sæpe à virtutum studio remitterent, & in segnitiam quandam & somnum relaberentur.

§. 34. Causa Efficiens Æmulationis alia est Physica, alia Ethica.

§. 35. Physicam *Renatus Cartesius in Passionibus Animæ parte 3. artic. 172.* dicit esse calorem disponentem animam ad suscipiendas res arduas.

§. 36. Ethicam suppeditat nobis *Vellejus Paterculus, qui lib. 1. Histor. Rom. cap. 17.* ita inquit: Alic æmulatio ingenia: Et nunc invidia, nunc admiratio incitatione accendit. *Admiratio* ergò genuinæ æmulationis causa est; dum enim id quod pulchrum est atq; eximium in aliis, admiramur, tacite simul animus noster ad possessionem illius boni obtinendam accenditur, atq; sic fomite hoc admodo in flammam scintillulæ gloriæ pectoribus nostris infixa erumpunt.

§. 37. *Plinius in Panegyrico cap. 34.* duas adhuc adducit causas: ex hujus enim mente Æmulatio maxime nascitur ex conjunctione, aliter æqualitate. Bene est, quod dixit maxime: certum enim nobis videtur, conjunctionem & æqualitatem non ubivis in æmulatione obtinere, adeoq; has non adæquatas & universales causas esse.

§. 38. Singulare planè est quod *Boleslaum Poloniae Regem* ad æmulationem calcar addidit. Hic ut sibi regios martiosq; faceret animos, appensam ex collo defuncti Parentis imaginem gestare solitus est, eò consilio ut quoties aut in oculos aut manus incurrisset, roties memoriæ recurreret paterna virtus, & ab hac parte gloriæ monumenta. Certè ubi dubia martis alea, ubi pro Patria, pro focus & aris subeunda vitæ pericula, tum Patris imaginem pressare manu, ori admovere, exosculari, & cum eâ blandè colloqui, sibiq;

B

sibiq;



sibiq; animos addere; nequid ageret aut pateretur indignum paterno stemmate atq; exemplis. *Vide Jacobum Lobbertium Tomo 2. Operum.*

§. 39. Ut finem huic capiti imponamus, properandum tandem ad AEmulationis Finem, qui præter Gloriam DEI, ultimum actionum bonarum scopum, tum Honestas tum Jucunditas est: ideo enim quis animum ad virtutes & gloriam componit, ut partim honestum partim jucundum laboris sui sentiat fructum.

## CAPUT SECUNDUM.

### De Legibus æmulationis.

§. I.

**C**um difficillimum sit in æmulando regiã incedere viã, & facile vel ad excessum vel ad defectum possumus exorbitare, moxq; obrectatio mox superbia, mox aliquid aliud virtutis hujus actiones temeret; In id jam nobis laborandum, ut certas quasdam leges suppeditemus, ad quas vera æmulandi ratio componenda.

§. 2. Lex Ima. *Non æmulare cum invidiã:* Abjecti enim & humilis animi est, ægrè velle aliorum virtutes & honores ferre, quos, summo Numine indulgente, multo labore acquisiverunt.

Livor iners vitium mores non exit in altos

Utq; latens imã vipera serpit humo.

*Ovid. lib. 3. de Ponto Eleg. 3.*

§. 3. Lex Ilda. *Non æmulare cum superbiã.* Communiter aliã hoc vitium æmulationi adheret, & vix temperare se possunt ii, in quibus gloriæ impetus: nocet tamen maxime ambitio, & dum quis ad fastigium se pervenisse putat, longè ab eo abest, aut si fortè eò usq; ascendit, gravi iterum lapsu ruit, & temerarii sui ausus dignas luit pœnas, sibiq; angorem, aliis ludibrium movet. Quantum detrimenti studio literarum ambitiosa illa æmulatio, quæ inter multos literatos intercedit, afferat, elegantè discursu ostendit *Cl. Baclerus in Notis ad Vellej. Patercul. p. 89.*

§. 4. Lex Iitia. *Non æmulare eos quibus longè impar.* Prudens est qui hoc



hoc observat, sibiq; ob oculos ponit illud sapientissimi *Seneca* monitum *lib. 3. de Ira cap. 7.* Quotiens aliquid conaberis, te simul & ea quæ paras, ipse metire. Temerarius qui negligit; sapissime enim, si non semper, felici caruit successu ejusmodi æmulationis, sæpius tragicum habuit exitum.

§. 5. Lex IVta. *Non emulare simul cum virtutibus vitia.* Ita mul-  
torum hominum ingenium comparatum est, ut dum virtutes aliorum exprimere aut superare nituntur, vitia simul imbibant: attentâ igitur opus hic circumspiciat, ne vel blandè vitia nobis se insinuent, vel sub virtutum specie animos nostros fallant.

### CAPUT TERTIUM. De Fructibus Æmulationis.

#### §. 1.

**I**Nsignes Æmulationis fructus in compendio nobis sistit elegans *Themistii* locus *Omt. 3.* quem *ex versione Georgii Remi* dæmus. Homo ita natus est, ut quæ cum certamine quodam perfici debent, eadem omni nervorum contentione curet: quæ verò de facili absq; æmulatione efficiuntur, ea etiam cum quâdam negligentia & oisitantia peragat. Excitatur animus à studio alios superandi, ut in ardua tendat, magnumque aliquod opus moliat.

§. 2. In specie verò genuina æmulatione I. Hominibus doctis utilis est. Hinc Ebræi dicunt קנאת סופרים תלבו חכמה *Æmulationis Scribarum auget doctrinam.* *Citat. Cl. Job. Saubertus in præfat. ad Comment. Rabbin in Pentateuchum.*

§. 3. Utilis est II. Militibus. Ostendit hoc præclarum exemplum Messeniorum à *Justino. lib. 3. cap. 5.* signatum, dignum quod nostram quoque *Dissertationem* exornet. Tyræus vates carminibus suis, in quibus hortamenta virtutis, damnorum solatia, belli consilia conscripserat, tantum ardorem militibus Lacedæmoniorum injecit, ut non de salute, sed de sepulturâ solliciti, tesseras, in sculptis suis & Patrum nominibus, dextro brachio deligarent, ut si omnes adversum prælium consumpssisset,  
&



& temporis spatio confusa corporum lineamenta essent, ex indicio  
tutorum tradi sepulturæ possent. Cum sic animatum Reges exerci-  
tum viderent, curant rem hostibus nunciari. Messeniis autem  
non timorem res, sed Æmulationem mutuam dedit. Itaq; tantis  
animis concursum est, ut raro unquam cruentius prælium fuerit.

S. 4. Utilis est III. Reipublicæ. Æmulandi enim amor validior,  
quàm poena ex legibus & metus. *Tacitus lib. 3. Annal. cap. 55.* Et  
certè ubi civium animi ad præclara agenda tepidi, ibi misera sem-  
per Reipublicæ facies. Hinc in Ephesiorum legibus præceptum  
erat, ut quotidie cives recordarentur alicujus viri, qui cum virtute  
vixisset. *Marcus Antonius lib. 2. sue vitæ.*

Ite nunc Fortes, ubi celsa magni  
Ducit exempli via. Cur inertes  
Terga nudatis Superata tellus  
Sydera donat.

---

### COROLLARIA,

I.

Prima mentis operatio potest dirigi.

II.

Universalia non fiunt per solam apprehensionem, sed  
etiam per judicium & discursum,

III.

Non datur Spiritus mundi.

IV.

Mors non est vermiculus.

V.

Ens habet principia essendi.





01 A 6531


ULB Halle 3  
002 937 506



11  
W11











24. 22

DISSERTATIO  
HISTORICO-ETHICA  
DE  
ÆMULATIONE

*Quam*  
IN ILLUSTRIS ACADEMIA  
LIPSIENSI  
Indultu Amplissimæ Facultatis Philosophicæ  
SUB PRÆSIDIO  
VIRI  
CLARISSIMI AC PRÆSTANTISSIMI  
DN. M. CHRISTOPHORI KRAHE  
LIPSIENSIS

S. S. Theologiæ Candidati  
Fautoris ac Præceptoris sui

*Publicè defendet*

JOHANNES JUNGIUS  
Uratislaviensis Silesius

*Ad diem XXVI, Novembris*  
Anno M. DC. LXIV.

L I P S I Æ,  
LITERIS CHRISTIANI MICHAELIS.

*Ge. Lic. Statem*